



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Seqvestratione possessionum & fructuum. Titulus XVII.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

344 ANALYS. IVRIS PONTIFICII
DE SEQUESTRATIONE
possessioinum & fructuum.

Titulus XVII.

Continuatio.

PER sequestrationem inducitur litis penden-
tia: quæ, licet rei, in cuius possessionem mis-
sio facta est, regulariter non cõcedatur; eò quòd
nemini possessio temerè sit auferenda: tamen
quandoque exigente iusta rei conseruandæ cau-
sa, vel partium consensu, vel iudiciaria authori-
tate sequestratio fieri legibus iubetur.

Quid est Sequestratio?

Sequestratio est, rei controuersæ, vel fructu-
um eius, partium consensu, vel iudiciaria autho-
ritate, apud quendam tertium, & medium, inter
litigatores facta depositio, l. licet, ff. depositi.

Quotuplex est Sequestratio?

Duplex: voluntaria & necessaria. Volunta-
ria est, si litigatorum consensu, translata posses-
sione rei litigiosæ depositio fiat. Necessaria au-
tem dicitur, si iudicis autoritate res controuer-
sa ex causa deponatur: vt quia veretur iudex, ne
partes de possessione contententes ad arma pro-
cedant, vel, quia missus in possessionem causa cu-
stodiæ malè in re ipsa versatur, vel, fructus dissi-
pat, c. dilectus, extr. eod. l. æquissimū, ff. de vsuf.
l. interesse, ff. de acquir. pos. l. si soluturus, §. fin.
ff. de solut.

Que

Quæ est causa Efficiens?

Consensus litigatorum, & iudicis authoritas,
d.l. æquissimus, ff. de vfuf. & l. interesse, ff. de acq.
pos.

Quod Obiectum?

Est res controuersa & litigiosa, l. licet, ff. de
positi. Non tamen quælibet res controuersa se-
questrari debet: sed sunt certi casus, quibus hoc
conceditur, extra quos sequestratio summa rati-
one, cum nemini possessio temerè sit auferenda,
prohibetur: 1. Si veretur iudex, ne ad arma &
rixas partes procedant, 2. Cum post appellatio-
nem fructus agri, de quo disceptatur ab aduersa-
rio, qui condemnatus est, depopulantur: nam e-
os fructus apud sequestrum deponi, æquum est, l.
Imperatores, ff. de appel. 3. In odium Rei contu-
maciter absentis res cõtrouersa potest sequestra-
ri, c. ex literis, extr. de dolo & contum. 4. In pe-
culio & alijs rebus eius, qui ex possessione serui-
tutis ad libertatem proclamat, quæ in tuto, pro
iudicis arbitrio, collocantur, l. 1. C. de asser. toll.
5. Si partes in sequestrationem consentiant, d.l.
si soluturus, ff. de solut. 6. Fauore religiõis, c. 2.
extr. de dol. & contu. 7. Quando persona, à qua
res mobilis petitur, suspecta sit defuga, l. si fide-
iussor, ff. qui satisfdare cogantur. suspecta autem
esse potest, vel ob deprauatos mores, vel si immo-
bilia non possideat, l. sciendum, ff. qui satisfd. cog.
8. Cum à sententiæ executione appellatur. Quo-
niam si res, de qua contenditur, mobilis est, se-
questratur, si immobilis, possessiõe apud appellã

rem remanente, fructus sequestrabuntur, l. ab executione, C. quo. appel. non recip. 9. Cùm inter dominum & colonum est de dominio rei controuersia. Nam si recusauerit colonus de restituendis fructibus satisfacere, fructus illi sequestrabuntur, l. litibus, C. de agri. & cens. lib. xj. Cui tamen obstare videtur l. si quis conductionis, C. de locato, Vbi traditur, conductorem domino, dominij quæstionem referre non posse. 10. Cùm maritus petit vxoris virginis restitutionem matrimonium contractum negantis: sequestratur enim puella quousq; causa terminata sit, c. cùm locum, extr. de spons. 11. Si vxor, cuius restitutionem maritus postulat, de sœuitia viri probabiliter timet: quia vir eam capitali odio prosequitur. Nanq; tunc probæ & honestæ mulieri vsque ad finem litis, committi debet, c. ex transmissa, & c. literas, extr. de rest. spol. 12. Cùm apparet, maritum dissipare, oportet quippe tunc dotem sequestrari, quatenus ex ea mulier competens habeat solatium, l. si cùm dotem, ff. sol. matri. 13. Cùm præsidij prouinciæ familiares furtum passi sunt: nam de hoc furto ipse etiam præses cognoscere poterit, vsq; ad contestationem litis, vt per eam actio perpetuetur, & vltra poterit iubere vt res ablata exhibeatur, & apud sequestrum deponatur, l. senatusconsulto, ff. de off. præsid. 14. Si quæstio sit de possessione, & non possit probari, quis possideat, l. in sequestro, ff. de acquir. posses. 15. Quando possessor victus appellauerit, & incipit dissipare, vel alienare fructus: item est missus in possessionem causa rei seruandę dissipet, sequestrantur enim fru-

fructus, 2. q. 6. quot 2. inf. eod. c. vlt. & c. dilectus, extr. eod. 16. Propter contumaciam nolentis cauere, etiam conceditur sequestratio, l. 1. ff. de col. bo. Et deniq; ne impediatur vendēdi commoditas, l. si oleum, ff. de dolo.

Quæ Forma?

Vt litigatores rem controuersam litis causa deponant apud sequestrum, i. medium quēdam, inter litigatores insolidum: hoc fine, vt ipse possidens vsque ad tempus restitutioni destinatum custodiendo seruet rem, eamq; tempore elapso, restituat, l. sequester, ff. de verb. sig. l. 5. & l. 6. ff. depositi.

Quis Finis?

Vt res sequestro commissa seruetur.

Quis Effectus?

Est actio sequestraria, que, pro restitutione rei sequestratæ, competit, l. si in Asia, & l. si oleum, ff. de dol. malo. Et translatio possessionis in ipsum sequestrum. Vnde, ratione possessionis, ius percipiendi fructus, & ius præsentandi beneficia habet: si forsitan apud eum factum est sequestrum, Ecclesiæ, ac iuris patronatus, & sacerdotium valet, Felin. in c. Bertoldus, extr. de sentent. & re iud. glos. in Clemen. vni. de sequest. posses. Sequester enim possidet, quoniam ea depositione id agitur, vt neutrius litigatoris possessioni id tempus procedat, l. licet, ff. depositi. Quod verum est in voluntaria, hoc est, consensu & voluntate partium facta sequestratione:

tione:

tione: & nisi expressè contrà actum sit, hoc enim casu partium conventioni, quæ legem contractu dat, standum est, l. interesse, ff. de acqui. poss. At in necessaria sequestratione, quæ præcepto iudicis fit, secus est. Quia is non præsumitur litigatoribus possessionem auferre velle, Bart. in d. l. licet, c. 1. & c. 2. extr. eod. Accedat quòd exploratū sit, actum voluntarium necessario longè potentior esse, Accurf. l. 1. C. de iud.

Quæ Affinia?

Depositum, missio in possessionem, &c.

Quæ Pugnancia?

Existencia conditionis & temporis, quo res restituenda est, l. si quis, ff. de dolo. Dissipatio rei sequestratæ. Satisfactio litigantis; Pan. in c. 2. col. 1. extr. de sequest. poss. & fruct.

A X I O M A T A.

Sequestrum factum loco missionis, propter scandalum evitandum, reuocari debet, oblata cautione, & restitutio expensis, c. ad hoc, extr. eod.

Sicuti is, qui à sententia appellauit, ita is, qui in possessionem custodia causa missus est, si fructus dissipat, sequestratio fit, c. dilectus, & c. fin. extr. eod.

Vbi titulus, ad translationem dominij habilis, non præcedit, reitraditio custodia causa facta præsumitur, l. cum pater, §. pater, ff. de leg. 2.

Continentia causa diuidi non debet, c. 1. extr. eod.